



**Umhverfisstofnun**

Environment and Food Agency of Iceland

Skipulagsstofnun  
Þóroddur F. Þóroddsson  
Laugavegi 166  
150 Reykjavík

✉ Suðurlandsbraut 24  
IS - 108 Reykjavík, Ísland

✆ (+354) 591 2000  
Fax (+354) 591 2010  
umhverfisstofnun@ust.is  
www.umhverfisstofnun.is

Reykjavík, 24. ágúst 2005  
Tilvísun: UST20050800012/sf

### Náma í Laugafelli, Fljótsdalshreppi. Matsskylda.

Vísað er til erindis Skipulagsstofnunar, dags. 1. ágúst sl., þar sem óskað er á líts Umhverfisstofnunar á því hvort og á hvaða forsendum ofangreind framkvæmd skuli háð mati á umhverfisáhrifum, að teknu tilliti til 3. viðauka í lögum nr. 106/2000.

#### Lýsing framkvæmdar

Í tilkynningu framkvæmdaraðila kemur m.a. fram að um er að ræða efnistöku í suðurhlíðum Laugafells á Fljótsdalsheiði og er ætlunin að vinna þar kjarnaefni fyrir Ufsarstíflu. Efnistökustaðurinn liggur að þeim vegi sem lagður hefur verið af Landsvirkjun að virkjunarsvæði Jökulsárveitu og er á ógrónu svæði. Áætlað er að náman nái yfir 25-30 þús. m<sup>2</sup> svæði og er áætlað efnismagn sem taka á úr námunni 80 þús. m<sup>3</sup>. Í tilkynningunni kemur einnig fram að landslagsarkitekt verði fenginn til að laga námu að vegi og aðliggjandi landi þannig að ummerki um námuvinnluna verði vart merkjanleg.

#### Umsögn

Það svæði sem afmarkað er sem efnistökusvæði er á ógrónu svæði í suðurhlíðum Laugafells og hefur því nú þegar verið raskað með efnistöku. Efnistökusvæðið er neðst í hlíðum fjallsins og er að mati Umhverfisstofnunar hægt að standa þannig að efnistökunni að ásættanlegt sé út frá náttúruverndarsjónarmiðum. Í tölvupósti til Landsvirkjunar dags. 27. apríl sl. í kjölfar eftirlitsferðar starfsmanns Umhverfisstofnunar um virkjunarsvæði Kárahnjúkavirkjunar kemur eftirfarandi umsögn fram varðandi námu í Laugafelli:

*„Náma í Laugafelli. Fyrirhuguð náma er á svæði sem þegar hefur að hluta verið raskað við efnistöku. Eins og náman er staðsett á korti LV ætti að vera auðvelt að ganga frá námunni til suðurs. Huga þyrfti að aðlögun námuðisins að landi austan og vestan námunnar. Ef af efnistöku verður á þessu svæði væri æskilegt að vinna námuna eftir sniðum eins og þeim sem fylgdu með gögnum LV, þar sem vinnsludýpi væri ákveðið til að tryggja að heildaryfirbragð svæðisins verði sem best að efnistöku lokinni.“*

Með hliðsjón af framansögðu telur Umhverfisstofnun að ef tekið verður tillit til ofangreindra ábendinga stofnunarinnar sé ekki líklegt að fyrirhuguð efnistaka í Laugafelli muni hafa í för

UST


með sér umtalsverð umhverfisáhrif.

Umhverfisstofnun bendir á að leggja verður fram áætlun um efnistöku, sbr. 48. gr. laga nr. 44/1999 um náttúruvernd, áður en framkvæmdaleyfi er veitt.

Virðingarfallst,



Sigurrós Friðriksdóttir  
fagsviðsstjóri



Helgi Jónasson  
forstöðumaður framkvæmda-  
og eftirlitssviðs